

Broj: 02-14/5-2400/15
Sarajevo, 07.12.2015. godine

Na osnovu člana 70. stav 3. i člana 89. Zakona o javnim nabavkama ("Službeni glasnik BiH", broj: 39/14), a u vezi sa članom 11. Pravilnika o postupku direktnog sporazuma i o javnim nabavkama Federalnog ministarstva rada i socijalne politike br. 02-02/8-1501/15 od 16.06.2015. godine, federalni ministar rada i socijalne politike,

d o n o s i

ODLUKU

o dodjeli ugovora najpovoljnijem ponuđaču za javne nabavke robe u cilju nabavke osnovnih sredstava računarske opreme

I
Dodjeljuje se ugovor za javne nabavke robe u cilju nabavke osnovnih sredstava računarske opreme za potrebe Federalnog ministarstva rada i socijalne politike ponuđaču „BBS“ Bosnien Business Systems – Sarajevo, a nakon sprovedenog konkurentskog postupka po Odluci broj: 02-14/5-2400/15 od 12.10.2015.godine.

II
Zadužuje se Sektor za pravne i kadrovske, ekonomsko-finansijske i opšte poslove da u roku od tri dana, a najkasnije u roku od sedam dana od dana donošenja ove Odluke istu dostavi svim ponuđačima koji su učestvovali u konkurentskom postupku javne nabavke i time ih ujedno obavijesti o rezultatima analize pristiglih ponuda.

III
Po okončanju roka za prigovor-žalbu ugovorni organ će sa izabranim ponuđačem zaključiti ugovor kojim će se regulisati međusobna prava i obaveze vezano za predmetnu nabavku shodno zahtjevima - uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

IV
Ova odluka stupa danom donošenja

Obrazloženje

Ugovorni organ Federalno ministarstvo rada i socijalne politike je sproveo konkurentski postupak za javne nabavke robe u cilju nabavke osnovnih sredstava računarske opreme. U roku predviđenim konkurentskim zahtjevom pristigle su tri (3) ponude i to:

1. „BBS- Bosnien Business Systems“ - Sarajevo,
2. „COMP-2000“ d.o.o. – Sarajeva i
3. „COMP-IT“ d.o.o. – Sarajevo

Nakon verifikacije kvalifikacione dokumentacije kojom se dokazuje podobnost ponuđača Komisija je konstatovala da je ponuđač „BBS- Bosnien Business Systems“ - Sarajevo dostavio svu potrebnu dokumentaciju, a ponuđači „COMP-2000“ d.o.o. – Sarajeva i „COMP-IT“ d.o.o. – Sarajevo, nisu dostavili aktuelni izvod iz sudskog registra ili izjavu/potvrdu nadležnog organa iz kojeg se vidi da je ponuđač registrovan za obavljanje djelatnosti koja je predmet nabavke čiji datum izdavanja nije stariji od tri (3) mjeseca ili ovjerenu kopiju, s tim da original ne smije biti stariji od tri (3) mjeseca.

Kontrolom priložene dokumentacije i suštinskom provjerom sadržaja i validnosti dokumentacije ponuđača „BBS“- Bosnien Business Systems Sarajevo, Komisija je utvrdila da ponuda ispunjava formalno-pravne uslove, odnosno zahtjeve ugovornog organa, te da može biti predmet vrednovanja.

Nakon što je Komisija pristupila vrednovanju ponude ponuđača „BBS“- Bosnien Business Systems Sarajevo, konstatovano je da je ponuđena cijena od 22.650,03 KM sa PDV-om veća od procijenjene vrijednosti nabavke. Međutim obzirom da je riječ o sukcesivnim isporukama tokom ugovornog perioda u kojem će nabavljene količine predmeta nabavke biti usklađene sa odobrenim Budžetskim sredstvima, mišljenja smo da navedna razlika ne utiče značajno na vrijednost ugovora

Kao najuspješnija ponuda za javne nabavke robe u cilju nabavke osnovnih sredstava računarske opreme za potrebe Federalnog ministarstva rada i socijalne politike ocjenjena je ponuda ponuđača „BBS- Bosnien Business Systems“ - Sarajevo.

Ugovorom sa ponuđačem „BBS- Bosnien Business Systems“ - Sarajevo, precizirat će se pojedinosti oko nabavke robe u cilju nabavke osnovnih sredstava računarske opreme za potrebe Federalnog ministarstva rada i socijalne politike, a u skladu sa zahtjevima iz konkurentskog zahtjeva za dostavljanje ponuda.

Na osnovu svega navedenog, federalni ministar rada i socijalne politike je prihvatio preporuku Komisije imenovane Rješenjem br. 02-14/3-2400/15 dana 19.10.2015. godine, te je odlučeno kao u dispozitivu.

Pouka o pravnom lijeku:

Svaki ponuđač koji smatra da je ugovorni organ u toku konkretnog postupka kod izbora napovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od pet (5) dana od dana zaprimanja odluke o izboru najpovoljnijeg ponuđača. Žalba se podnosi Uredu za razmatranje žalbi BiH, putem ugovornog organa i na način propisan Zakonom.

DOSTAVLJENO:

- Ponuđačima
- Sektoru za pravne i kadrovske, ekonomsko-finansijske i opšte poslove
- a/a

